



Pleiv s. Gions Mustér

Rapport da gestiun 2019



Impressum

Editura: Pleiv s. Gions Mustér

Ediziun: 1100 exemplars

Stampa: La Tuatschina, Sedrun

© 2020 Pleiv s. Gions Mustér

Cuviarta: Il maletg principal digl altar ella caplutta a Pardomat. Declaraziun dil maletg mira p. 18. – G. Tenner, 2020

Remarca: Sche buc auter menziunau, vala la fuorma masculina da persunas era per la feminina.

Invitaziun alla radunonza generala dalla Pleiv s. Gions/Mustér

**Mardis, ils 7 d'avrel 2020 allas 20.15 uras
en halla communal Cons/Mustér**

Tractandas:

1. Beinvegni ed elecziun da dus dumbravuschs
2. Protocol dalla radunonza generala dils 5 d'avrel 2019
3. Rapports:
 - a. dil president dalla pleiv
 - b. dalla presidenta dil cussegl pastoral
4. Rapports da quen:
 - a. pervenda s. Gions
 - b. baselgia s. Gions
 - c. baselgia s. Bistgaun e s.Roc Segnas
 - d. baselgia s. Antoni Cavardiras
5. Rapport dils revisurs da quen e scarica alla suprastonza
6. Elecziuns:
 - a. vicepresidente ed ugau baselgia Segnas
 - b. ugau pervenda
 - c. revisur da quen
7. Preventivs:
 - a. pervenda s. Gions
 - b. baselgia s. Gions
8. Fixaziun dil pei da taglia
9. Baselgia s. Gada: Sanaziun dil tetg e sanaziun parziala dalla fatschada, credit
10. Undraziuns
11. Orientaziuns
12. Varia

La pleiv porscha a mintgin/a alla fin dalla radunonza in sempel refrestg.
Nus envidein cordialmein a nossa radunonza generala.

Per la suprastonza dalla Pleiv s. Gions/Mustér:

*Il president:
Aldo Tuor*

*Il vicepresidente:
Gion Tenner*

Protocol

dalla radunonza generala dalla Pleiv s. Gions Mustér

Gliendisdis Pastgas, ils 5 d'avrel 2019 allas 20.15 uras en halla Cons

Tractandas:

1. *Beinvegni ed elecziun da dus dumbravuschs*
2. *Approbazium dils protocols*
 - a. *Protocol dalla radunonza generala dils 17 d'avrel 2018*
 - b. *Protocol dalla radunonza extraordinaria dils 27 da november 2018*
3. *Rapports:*
 - a. *dil president dalla pleiv*
 - b. *dalla presidenta dil cussegl pastoral*
4. *Rapports da quen:*
 - a. *pervenda s. Gions*
 - b. *baselgia s. Gions*
 - c. *baselgia s. Bistgaun e s. Roc Segnas*
 - d. *baselgia s. Antoni Cavardiras*
5. *Rapport dils revisurs da quen e scarica alla suprastonza*
6. *Elecziuns:*
 - a. *president*
 - b. *ugau baselgia s. Gions*
 - c. *in revisur da quen*
 - d. *commembers dil cussegl pastoral*
7. *Preventivs:*
 - a. *pervenda s. Gions*
 - b. *baselgia s. Gions*
8. *Fixaziun dil pei da taglia*
9. *Renovaziun casa pervenda: Adattaziun dil credit*
10. *Undraziuns*
11. *Orientaziuns*
12. *Varia*

1. Beinvegni ed elecziun da dus dumbravuschs

Il president Aldo Tuor sa beneventar rodund 50 persunas alla radunonza generala 2019.

In special beinvegni fa el al president communal Robert Cajacob ed agl anteriur president dalla pleiv Linus Maissen. Diversas persunas han schau perstgisar.

L'invitaziun alla hodierna radunonza ei succedida ad uras e tenor la constituziun dalla pleiv cun publicaziun el fegl official dalla

vischnaunca. Il rapport annual ei vegnius tarmess a tuttas casadas sin intschess dalla vischnaunca da Mustér. Aschia ei la radunonza autorisada da decider.

Tier la gliesta da tractandas dat ei aunc suandonta amplificaziun:

– tractanda 6 c: Reelecziun d'in revisur da quen.

Ils presents van d'accord cun quella gliesta da tractandas ed san deliberar las fatschentas en quella successiun.

Sco dumbravuschs vegnan Andreas Arpagaus e Baseli Lutz elegi.

2. Approbaziun dils protocols

a. Protocol dalla radunonza generala dils 17 d'avrel 2018

b. Protocol dalla radunonza extraordinaria dils 27 da november 2018

Omisdus protocols vegnan approbai senza objecziuns cun engraziar ad Jris Lombris per la redacziun dils protocols.

3. Rapports

a. dil president dalla pleiv

Gest il di dalla radunonza generala ha il zenn grond annunziou la mort da Leo Huonder-Simonet, anteriur president dalla pleiv s. Gions 1988 – 1999. En in cuort memento seregordan ils presents digl anteriur president.

Igl onn vargau han 16 parochianas e parochians bandunau nus e remess lur olma els mauns dil Segner. En in cuort memento seregordan ils presents dils defuncts. Detti il Segner ad els il ruaus perpeten ed a lur famiglias confiart.

Cun plascher astga il president informar che dunna Riccarda Flury, ensemen cun siu consort Reto, han surpriu il tener schuber la baselgia parochiala. Nus essan zun cuntents ch'els ein sedeclarai prompts da surprender quella impurtonta incarica ed ins ha immediat viu e sentiù lur engaschi en baselgia. Grond engraziament.

Vinavon engrazia il president:

– a sur Georg Changeth ch'ei staus tier nus entochen la fin uost 2018. Nus havein priu cumiau dad el a caschun da sia davosa s. messa a s. Gions. Sco nus savein oz ha el anflau ina nova incarica ella regiun pastorala da Widnau;

– als augsegners pensiunai sur Alexi

Manetsch, sur Giusep Venzin ed a pader decan Bruno Rieder dalla claustra. Grazia a lur grond engaschi e lur gronda perseveronza eis ei stau ed eis ei vinavon pusseivel da mantener in bien survetsch en nossas baselgias;

– a sur canoni Pius Venzin e sur Martin Bearth,

– allas catechetas Corina, Olinda, Sabrina ed al catechet Aluis per l'impurtonta istruzziun religiosa da nos affons,

– allas menadras dil „Salid dil Segner“ cun Corina Defuns alla testa,

– als commembers ed allas commembras dil cussegl pastoral, allas lecturas e gidontras en baselgia,

– allas calustras a s. Gions, a Segnas, a Cavardiras ed ellas numerusas capluttas sin nies intschess,

– allas ministrantas ed als ministrants,

– als chors-baselgia s. Gions e Segnas, sco era als dus organists ed allas organistas gidontras,

– a ses consuprastonts ed alla secretaria per la buna collaboraziun e lur capientscha e sustegn,

– ed a tuttas e tuts che prestan en bia differentas funcziuns ed incaricas ina gronda ed impurtonta lavur per nossa pleiv.

A tuttas e tuts in Dieus paghi persuenter!

b. dalla presidenta dil cussegl pastoral

Siu extendiu rapport el cudischet cumpletescha Jacinta Jacomet cullas suandontas comunicaziuns:

La primavera 2018 ha il cussegl pastoral ediu in niev cudischet pil rusari da morts che ha anflau buna accoglientscha tier ils parochians. Ella engrazia a tuts che han contribuì pil beinreussir da quella ediziun.

Regina Giger-Caminada ha abdicau ella gruppa „Salid dil Segner“. Sco successiva

han ins anflau dunna Helene Lutz da Segnas. Willi Lozza ha abdicau sco commember dil cussegl pastoral. La presidenta ha dumandau numeruras persunas per collaboraziun el cussegl pastoral, ha denton anflau negin resun. Ils 10 da matg organisescha il cussegl pastoral en stanza da biblioteca dil Puntreis ina devoziun speciala en honor da Nossadunna.

4. Rapports da quen:

a. pervenda s. Gions

Il quen dalla parvenda siara tier expensas da frs. 398'981.06 ed entradas da frs. 402'428.00 cun in pign surpli d'entradas da frs. 3'446.94. Il capital agen dalla pervenda s. Gions munta a frs. 542'473.70.

Igl ugau pervenda Willi Lozza declara detagliadamein las differentas posiziuns dil quen da menaschi. La sanaziun dalla casa pervenda ei gia vegnida risguardada cun ina reserva da frs. 42'000.00.

b. baselgia s. Gions

Il quen dalla baselgia s. Gions siara tier expensas da frs. 40'047.25 ed entradas da frs. 36'552.15 cun in surpli d'expensas da frs. 3'495.10. Il capital agen dalla baselgia s. Gions munta a frs. 92'846.99.

Igl ugau baselgia Romeo Schmed declara detagliadamein las differentas posiziuns dil quen da menaschi.

La sperdita seresulta ord:

- la cumpra da paramenta da sur Georg
- igl embelliment dalla baselgia ei surdau alla fatschenta da flurs Solèr
- niev figurescha il tscheins annual pil local Sut Gliendas el quen

Il recav ord las unfrendas va anavos, quei demai che nus havein giu igl onn vargau pli paucas messas en baselgia s. Gions ed era dameins sepulturas.

c. baselgia Segnas

Il quen dalla baselgia s. Bistgaun e s. Roc a Segnas siara cun expensas da frs. 9'164.04 ed entradas da frs. 4'491.95 cun in surpli d'expensas da frs. 4'672.09. Il capital agen dalla baselgia a Segnas munta a frs. 233'268.64.

Igl ugau baselgia Gion Tenner declara en detagl las differentas posiziuns dil quen da menaschi. Igl onn vargau ei vegniu cumprau in grond post da candeilas che tonscha per plirs onns. Ils cuosts pil scaldament ein puspei s'augmentai. Era a Segnas ei il recav ord las unfrendas e dalla cassa da candeilas sereducius.

Gion engrazia a Barla e Mathias Jacomet, a Heidi Durschei, als augsegners e tuts che segidan igl entir onn ora culla caplania da Segnas.

d. baselgia Cavardiras

Il quen dalla baselgia s. Antoni a Cavardiras siara tier expensas da frs. 12'321.95 ed entradas da frs. 12'338.45 cun in surpli d'entradas da frs. 16.50. Il capital agen dalla baselgia a Cavardiras munta a frs. 236'209.78. Lugadessa baselgia Alexa Schuoler declara detagliadamein las differentas posiziuns dil quen da menaschi.

Era Alexa engrazia als plevons, alla calustra Claudia Schmed, ad organists, consuprastonts ed a tuttas persunas che segidan pil beinstar dalla caplania da s. Antoni.

5. Rapport dils revisurs da quen e scarica alla suprapostonza

Il revisurs da quen, Pirmin Monn e Claudius Berther, han controllau ils differents quens dalla pleiv sco era tut ils fondos da baselgias e capluttas. Els attestan che tuttas contabilitads seigien menadas bein ed en uorden.

Sin proposta dils revisurs decida la radunonza generala unanimamein d'approbar ils quens administrativs e las bilanzas dalla pervenda,

dalla baselgia parochiala s. Gions, dallas caplanias Segnas e Cavardiras, sco era ils quens dils fondos da baselgias e capluttas digl onn 2018, da dar scarica alla suprastonza ed als funcziunaris, d'exprimer in meritau engraziament alla suprastonza, als augsegners ed a tuttas ugadessas/tuts ugaus per lur nunstunclenteivel engaschi.

6. Elecziuns:

Nus havein in turnus per las elecziuns, aschia crodan ils temps d'uffeci tier las differentas funcziuns buca ensemen. Unn stattan en elecziun il president ed igl ugau baselgia.

a. president

Il vicepresidente Gion Tenner fa la tscharna pil president.

Igl onn 2016 havein nus cun Aldo Tuor elegiu in niev e versau president dalla pleiv. El ha giu in stregn e variont temps d'uffeci. El fa quei conscienzusamein ed a moda perfetga. Il vicepresidente Gion Tenner sa legreivlamein informar ch'il president actual Aldo Tuor, stat a disposiziun per in'ulteriura perioda d'uffeci. Ei vegn fatg neginas ulteriuras propostas.

Aldo Tuor vegn reelegius unanimamein cun in grond applaus. Il vicepresidente gratulescha ed engrazia ad el per siu grond engaschi e la buna collaboraziun.

b. ugau baselgia s. Gions

Ina semeglionta situaziun sepresenta tier igl uffeci dad ugau baselgia. Romeo Schmed ei dapi ina perioda en uffeci ed ei medemamein sedeclaraus prompts da star a disposiziun per in'ulteriura perioda d'uffeci. Nus essan engrazieivels persunter ed engraziein ad el per siu engaschi e sia lavur.

Era per quei uffeci dat ei neginas autras propostas.

Romeo Schmed vegn reelegius unanimamein cun in grond applaus. Il president gratulescha

ed engrazia ad el per siu engaschi e la buna collaboraziun.

c. revisur da quen

Pirmin Monn ei vegnius eligius avon 3 onns en la funcziun da revisur da quen. El ademplescha quella funcziun cun premura e capientscha e mereta nies engraziament per sia lavur. Oz stat el en reelecziun per in'ulteriura perioda d'uffeci.

Pirmin Monn vegn reeligius unanimamein cun in grond applaus. Il president gratulescha ed engrazia ad el per sia lavur en favur dalla pleiv.

d. commembers dil cussegl pastoral

Tuts commembers actuals dil cussegl pastoral vegnan reelegi per in'ulteriura perioda d'uffeci

7. Preventivs

a. pervenda s. Gions

Il preventiv dalla pervenda prevesa tier expensas da frs. 375'900.00 ed entradas da frs. 377'600.00 in surpli d'entradas da frs. 1'700.00. Il preventiv cuntegn ina reserva per la sanaziun dalla casa pervenda egl importo da frs. 55'000.00.

b. baselgia s. Gions

Il preventiv dalla baselgia s. Gions prevesa tier expensas da frs. 34'700.00 ed entradas da frs. 35'150.00 in surpli d'entradas da frs. 450.00.

Ei dat neginas damondas tier ils preventivs. Omisdus preventivs vegnan approbai unanimamein.

8. Fixaziun dil pei da taglia

Sin fundament da quels preventivs propona la suprastonza da mantener il pei da taglia per 2020 sco tochen dacheu sin 12 % dalla taglia cantunala sempia.

La radunonza generala approbescha ils

preventivs dalla pervenda e dalla baselgia s. Gions e fixescha il pei da taglia per 2020 sin 12 %.

9. Renovaziun casa pervenda: adattaziun dil credit

Ugau pervenda Willi Lozza declara daco che la suprastonza damonda in credit supplementar. Las lavurs han entschiet miez schaner ed ein ussa prest terminadas. El decuors dallas lavurs da sanaziun han ins constatau ch'ins sto far aunc entginas adattaziuns e renovaziuns.

Aschia tonscha il credit da frs. 125'000.- daus alla davosa radunonza extraordinaria buc. Ins ha aunc stuiu far autras renovaziuns nunprevidas:

- renovar duas tualettas	frs. 26500.-
- remplazzar parchet en stiva	frs. 3000.-
- cumpletar cuschina cun scaffa	frs. 2000.-
- remplazzar indrez electricis	frs. 3500.-
- cumpra da novs umbrivals	frs. 5000.-
- cumpra da vischala, resti da letg etc.	frs. 2000.-

Alla fin sto la casa pervenda vegnir schubergiada da rudien.

Aldo Tuor completescha: Ussa se presenta la casa pervenda en in bien e plascheivel stan e fa ina biala paret. Ed ins astga sperar che pils proxims onns ston ins impunder nuot pli ella renovaziun interna dalla casa pervenda.

En vesta alla situaziun finanziaria dalla pleiv recamondan schibein il president ed igl ugau pervenda da conceder quei credit supplementar.

Marcel Manetsch sustegn quei credit e cun far menziun ch'ins hagi forsà dumandau igl atun plitost in mudest credit. El damonda sch'ei seigi era previu da renovar la casa externamein.

Willi Lozza rispunda: la pleiv ei pertscharta dalla situaziun ed ei seigi ina caussa pil futur da prender enta maun la renovaziun externa.

Aldo engrazia a Willi per l'organisaziun dalla renovaziun e tut sia lavur prestada per la beingartegiada renovaziun.

Ils presents approbeschan il credit supplementar da frs. 42'000.-

10. Undraziuns

En siu rapport ha il president menziunau ch'igl agid da biaras e biars ei necessaris per che la pleiv sappi ademplir sias incaricas. In grond engaschi da dunnas ed umens ei indispensabels per in beinstar dalla cuminonza cristiana en nossa pleiv. Tut quellas gidontras e quels gidonters meretan nies grond engraziament.

Unn astgein nus legreivlamein honorar mo ina persuna. Legreivlamein vul dir, che tut las autras funcziunarias ed auters funcziunaris stattan vinavon a disposiziun, e quei ei fetg legreivel.

Regina Giger-Caminada ei s'engaschada duront 10 onns ella gruppa da preparaziun per las devoziuns cun affons dil „Salid dil Segner“. Per si'emprema devoziun ha Regina elegiu il tema: „Jesus di, jeu sun la glisch“. Quella glisch ha Regina capiu da dar vinavon als affons e da derasar en la gruppa da preparaziun. Cun tut sias habilitads eis ella stada ina ferma petga en quella gruppa. En tut quels onns ha Regina preparau ensemen cullas autras menadras viers 40 devoziuns ed assistiu sco gidontra ad aunc inagada tontas devoziuns. Davos mintga devoziun schaijan biaras uras da preparaziun.

La creatividad da Regina enconuscha strusch cunfins, naven da bialas cartas per il cudischet dils affons entochen per entiras plontas ell'aula ha ella adina giu in bien maun e bunas ideas da crear in'atmosfera tut aparti duront las devoziuns. In grond Dieus paghi per quei grond engaschi e per la lavur prestada duront uras, dis e seras e biaras dumengias.

Il president surdat a Regina in regal da cumiau ed ils presents engrazian alla partenta cun in grond applaus.

11. Orientaziuns

Il president sa informar ch'il niev plevon sur Mathew Kurian vegn ad entscheiver cun l'entschatta fenadur sia lavur da pastoraziun en nossa pleiv. Tuttas lubientschas ein avon maun ed era il visum per l'entrada en Svizra ha el ussa retschert. La suprastonza vegn a segidar cun el schi bein sco pusseivel all'entschatta da siu temps d'uffeci.

12. Varia

Sut varia giavischa negin il plaid, aschia ch'il president Aldo Tuor siara la radunonza generala 2019 allas 21.15.

El engrazia a tuts presents per lur presenza. Cun plascher offerescha la pleiv a tuts in refrestg ed envida tuttas e tuts da star in mument ensemen da buna cumpignia.

Mustér, ils 15-04-2019

Pil protocol: Jris Lombris

Rapport dil president

Preziadas parochianas, preziai parochians Actualmein vivin nus en in temps fetg malruasseivel. Sigl entir mund piteschan carstgauns dad uiaras, da conflicts etnics, d'inundaziuns, da barschaments ni tiaratriembels. Aunc mai zacu ha ei dau tons fugitivs sin tuts continents e tons persecutai pervia da lur religiun ni cardientscha. Willi Meurer, in publicist dil Canada, ha scret il suandont: "Nus vivin en in temps aschi malsegir, nua che gnanc igl amen en baselgia ei segirs". Tuts vulan adina dapli e dapli, ferton che las resursas vegnan pli e pli scartas. Lein sperar ch'il mund anffi ad uras il caraun, aschia che pli e pli bia humans possien viver en pasch e dignitad.

Gia per la quarta gada hai jeu la cuida da presentar a Vus il rapport annual, culs eveniments essenzials digl onn vargau.

La pastoraziun

Beinvegni a sur Mathew

Suenter la partenza da sur Georg ha la suprastonza, gia a caschun dalla radunonza extraordinaria dils 27 da november 2018, saviu presentar in successur. Nus vein denton per differents motivs stuiu spitgar sin el entochen l'entschatta fenadur 2019. Ils 3 da fenadur 2019 hai jeu lu giu la cuida da retscheiver il niev plevon alla piazza aviatica da Turitg.

Nies niev plevon, sur Mathew Kurian Vazhakapara, ei naschius ils 15 da matg 1970 a Mullenkolly/Kerala ell' India. Suenter ils studis da teologia eis el vegnius ordinaus spiritual ils 2 da schaner 2001 a Bathery. El ha lu studegiau vinavon a l'universitad catolica ad Eichstätt en Germania. Ils onns 2007 entochen 2009 ei sur Mathew staus duront rodund 27 jamnas a Mustér e substituiu il plevon sur Alexi. Sto esser ch'el ei gia lu sesentius bein a Mustér e survegniu gronda simpatia per nosssa pleiv.

Cun grond plascher astgein nus constatar che sur Mathew ei s'integraus fetg bein. El ha spert giu bien access e buna accoglientscha tier parochianas e parochians. Igl ei mo da smarvegliar con spert ch'el ha empriu nies lungatg romontsch. Nus giavischein ad el vinavon tut bien en nosssa pleiv, in bien maun sco pastur dallas olmas ed exprimind ad el in cordial e cauld beinvegni en nosssa pleiv.



Il niev plevon sur Mathew Kurian (foto G. Capaul)

Nos morts

Il zenn grond ha el decuors digl onn vargau annunziu 22 gadas la mort d'ina parochiana ni d'in parochian. Malgrad la gronda tristezia, astgein nus sco pleiv esser loschs che tontas parochianas e tons parochians sustegnan las famiglias en malencurada, cun lur presenza als survetschs divins funerals. Nus sperein ed essan perschua di ch'il Segner ei misericordeivels cun nos defuncts. Els ruaussien en pasch!

Leo Huonder – Simonet
(10-4-1936 - 5-4-2019)



Gest il di dalla radunonza generala dalla pleiv ha il zenn grond annunziau la mort da Leo Huonder-Simonet, anteriur president dalla pleiv s. Gions. Las suandontas notizias sebasan sin il necrolog redigiug da dr. Giusep Capaul. Els onns 1988 entochen 1999 ha Leo Huonder presidiau cun gronda premura e bien maun la pleiv s. Gions. Duront quei temps ein pliras capluttas e baselgias vegnidas renovadas. Era la stabilisaziun digl arviul dalla baselgia parochiala s. Gions ei succedida sut il presidi da Leo Huonder. Plevon duront siu presidi ei sur Sep Fidel Sievi staus. Leo Huonder ei denton buca mo s'engaschus en favur dalla pleiv. En differents uffecis e multifaras instituziuns eis el sefatgs meriteivels e prestau dabia lavur en favur dalla publicitad. Da quella promtezia ha primarmein la vischnaunca da Mustér profitau. Buca meins che 30 onns ha Leo Huonder fatg part dil parlament communal. Era alla cultura, specialmein al cant, ei Leo Huonder

sededicaus. Sper bia auter eis el era staus commember dalla giunta dalla casa da tgira Sursassiala. Siu vast engaschi politic, cultural e social ei staus caracterisau da grond ideal. Nus engraziein da cor per tutta lavur prestada e vegnin a tener nies anteriur president en buna e pia memoria. Nus essan perschuadi che Niessegner vegn a tener a quen tut las bunas ovras fatgas cheu sin tiara. El ruaussi en pasch.

Frater Lucius Ignaz Cavegn
(3-11-1924 – 1-3-2019)

Ignaz Cavegn ei oriunds da Rueras. Cun il profess dils 25 da fenadur 1968 ha el surpriu il num dil patrun diocesan Lucius. Dapi lu ha el luvrau en claustra el menaschi agricol, en cuschina, ha tgirau las gaglinas ed ei era staus responsabels pils hosps. Adina ha el exprimiu siu meini cun plaids marcants e cun bia humor. Ils davos onns eis el sededicaus oravontut a l'oraziun. Possi frater Luci esser in bien intercessur al tron celestial per claustra e pleiv.

Marie-Theres Deflorin-Lutz
(30-5-1952 – 4-5-2019)

La caplutta a Cuoz, gest sper via, vegn di per di visitada dad indigens ed jasters. Duront il davos decenni ha Marie-Theres Deflorin-Lutz tgirau la caplutta da s. Giachen e s. Onna cun gronda premura. Ella ha procurau che la caplutta sepresenti adina a moda perfetga a visitadras e visitaders. Per quei engaschi mereta ella nies respect ed engraziament. Detti Dieus ad ella la bein meritada pagaglia ed il ruaus perpeten.

Instrucziun religiosa

L'instrucziun religiosa ei ina dallas incaricas impurtontas da nossa pleiv. Quella vegn pli e pli pretensiusa, stat gie mo pli ina lecziun ad jamna a disposiziun per l'instrucziun dalla ductrina. Mo sche nus vegnin da porscher ina basa fundamentala a nos affons, vegnin nus a saver mantener nossa cuminonza cristiana

era a liunga vesta. Cheu prestan las catechetas ed il catechet ina zun gronda ed impurtonta lavur. Ei fuss nies grond giavisch sch'era ils geniturs sustenessen nossas stentas per ina buna educaziun cristiana. Buca emblidar lein nus era las menadras dil Salid dil Segner che meinan gia nos affons pigns en direenziun da nosa cultura cristiana. In grond engraziament a tuttas e tuts per quei grond e zun impurtont engaschi.

Fiastas ecclesiasticas

Ils 11 da november 2019, il di da sogn Martin, ha la claustra da Mustér astgau consecrar il niev altar grond e suenter dus onns saviu presentar per l'emprema gada la baselgia da sogn Martin restaurada da niev. In grond pievel ha assistiu alla cuminsonza claustrala a caschun dalla reconsecraziun dalla baselgia e dalla benedicziun dil niev altar principal entras il nunzi apostolic dalla Svizra, arzuestg Thomas Gullickson.

Duront il temps da renovaziun dalla baselgia claustrala ha la pleiv s. Gions astgau dar suttetg als claustrals per celebrar lur fiastas grondas. Aschia han la claustra e la pleiv festivau communablamein la fiasta da Nadal en baselgia parochiala a s. Gions. Plinavon ha era uonn giu liug a s. Gions la processiuin da Sontgilcrest el quartier da Dulezi cun la benedicziun finala avon la Casa Puntreis. Cun grond plascher vein nus era retschert ils claustrals e veneraturs da s. Sigisbert e s. Placi ils siat da fenadur, a caschun dalla fiasta da s. Placi. Ina gronda fuola ei separticipada alla messa pontificala, cun chor ed orchester ed alla processiuin tras il vitg entochen avon la porta dalla claustra.

Igl ei stau ina biala ed emperneivla collaboraziun denter claustra e pleiv. Nus tuts selegrein dalla bellezza baselgia claustrala suenter la renovaziun, vein denton in ni l'auter larmin els egl, bein savend che talas

fiastas grondas vegnan per decennis buca pli a serepeter a s. Gions. Cun grond plascher astgein nus denton informar che la pleiv e la claustra sesprovan da mantener la zun buna collaboraziun e prevedan, che la cuminsonza claustrala fetschi ina gada ad onn ina viseta a s. Gions.



Entrada a s. Gions a caschun dalla fiasta da s. Placi 2019

Las ulteriuras festivitats ecclesiasticas han giu liug el ritmus da mintg'onn. La dumengia alva a s. Gions, las fiastas da perdanonza a s. Gions ed a Segnas e l'usitada processiuin da s. Antoni a Cavardiras. Nus engraziein grondamein alla societad da musica, als chors-baselgia s. Gions e Segnas, sco era a tuttas autras uniuns che separticipeschan ed embelleschan nossas fiastas ecclesiasticas.

Interessant eis ei da dar ina gada in'egliada ella statistica dalla pleiv digl onn 2019. Dallas 2'152 persunas che habiteschan ella vischnaunca da Mustér, indicheschan 1'824 persunas d'esser commembras dalla baselgia roman-catolica, pia ca. 85 % dalla populaziun. Ils ulteriurs 15 % dalla populaziun serepartan ulivamein sin commembers dalla baselgia evangelica (5 %), muslimas e muslims (5%) sco sin persunas ch'ei senza confessiuin (5%). Il sacrament dil sogn Batten han 16 affons astgau retscheiver. 13 scolaras e scolars han da dumengia alva astgau retscheiver l'emprema sontga Communiun. Igl onn 2019 ein negins

affons vegni cresmai. Nov gadas ei vegniu festivau nozzas en baselgias ni capluttas e 22 gadas ha il zenn grond annunziau la mort d'ina parochiana ni d'in parochian.

Sanaziun dalla casa pervenda

A caschun dalla radunonza generala extraordinaria dils 27 da november 2018 e dalla radunonza generala dils 5 d'avrel 2019 han ils presents concediu in credit da total frs. 167'000.- per la renovaziun interna dalla casa pervenda. Ils cuosts effectivs dalla sanaziun han la finala muntau a frs. 166'195.75. Igl ei vegniu installau ina nova cuschina e las stanzas da bogn sco era las tualettas ein vegnidas sanadas cumpleinamein. In niev plantschiu remplazza ils teppis vegls. Tuttas stanzas ein coloradas da niev e per part ei era il mobiliar vegl vegnius remplazzaus. La sanaziun ei gartegiada ed ei

era vegnida finanziada cumpleinamein cun agens mieds. El decuors dils proxims onns vegn la suprastonza a stuer s'occupar d'ina sanaziun externa dalla casa.

Engraziament

Sco mintg'onn s'auda ei d'engraziar. Era uonn han biaras e biars prestau gronda lavur e demussau grond engaschi a favur da nossa pleiv. Per buca emblidar enzatgi gia all'entschatta, in zun grond "Dieus paghi" a tut quellas e tut quels che han fatg dil bien a nossa cuminonza en ina moda ni l'autra. Quei engaschi demuossa che nus lein esser ina cuminonza da cristians e da carstgauns che segidan vicendeivlamein.

In special engraziament exprimim nus a nies niev plevon administratur, sur Mathew Kurian, sco era als plevons pensiunai sur Alexi Manetsch,



Fiasta da sogn Placi 2019 (fotos: P. Duff)

sur Giusep Venzin, sur Martin Bearth sco era a sur canoni Pius Venzin. In engraziel fetg era alla venerabla claustra pigl agid e la buna collaboraziun. In grond engraziament meretan catechetas e catechets per l'instrucziun religiosa da nos affons. Plinavon engraziein nus a tuts gidonters e tuttas gidontras dil cussegl pastoral sco era allas lecturas ed als ordinaturs da sepultura. Nies engraziament e nossa renconuschientscha va era allas calustras, als organists, als chors baselgia, ad ugadessas ed ugaus-baselgia da nossas capluttas ed a tuttas e tuts che han contribuui al beinstar da nossa pleiv. In engraziel fetg va era als commembers da suprastonza sco era alla secretaria per lur agid e lur grond engaschi.

Per igl onn vegnent giavischel jeu a nus tuts sanadad, cuntentientscha e la benedicziun dil Tutpussent.

Mustér, fevrer 2020
Aldo Tuor, president

Rapport dil cussegl pastoral

Preziadas parochianas, prezias parochians

Dapi l'entschatta da fenadur 2019 astgein nus legrevlamein assister al niev plevon en la persuna da sur Mathew Kurian. El sesenta bein cheu tier nus ed ha già anflau numerus contacts cun parochians da nossa pleiv.

La visiun da sur Mathew en nossa pleiv ei che nus seigien ina pleiv che sviluppeschi iniziativas spontanamein e che nus seigien buca mo consuments dalla dumengia. El metti avon ina pleiv che tgiri la cuminonza, ina reit spirituala, buca ina reit che sesiara, mobein ina che porti e detti sustegn, ina reit che gudogni carstgauns e creschi. Quei dueigi esser nossa incumbensa e la strategia da Jesus.

El menziunescha ch'il pensum dil cussegl pastoral seigi fetg impurtonts e decisivs. Ei seigi per el ina interessanta collaboraziun culs carstgauns. Tgi ei Baselgia? Buca sulettamein igl augsegner, il president dalla pleiv ed ils ulteriurs commembers, mobein nus tuts essan Baselgia, nus essan battegiai.

Cul sustegn dil cussegl pastoral giavischa nies augsegner sur Mathew d'organisar differentas purschidas per tuttas generaziuns.

Il cussegl ei sestentaus d'ademplier sias incumbensas per cuntiententscha dils parochians dalla pleiv s. Gions. Scadina uniun viva da visiuns e finamiras. Tgi che manegia ch'ei seigi il meglier da schar tut tiel vegl e buca reflectar ni sedumandar veglias isonzas, fa la finfinala in pass anavos. Gest sco il proverb di: Tgi che nuot emprova – quel maina secumprova.

Era nossa pleiv sesprova da viver e tgirar cuminonza. Quei reussescha mo quei mument ch'ei vegn fatg diever dalla purschida. Gudignar parochians pigl engaschi en la Baselgia en nies mund modern ei stentus. Ina cuminonza sa denton exister mo da quei mument ch'ei dat

commembers ch'ei promts da s'engaschar.

La pleiv porscha nundumbrevilas sentupadas per restar actuals. Sco già menziunau lein nus successivamein porscher ad affons, scholars, giuventetgna, carschi e persunas attempadas in program spiritual sco era da divertiment. Ei fuss in enrihament per la pleiv da survegnir parochians da tuttas generaziuns cun talents multifars da tgierp e spért che fussen promts da s'engaschar per la veta da cuminonza en spért social.

Entras in tal engaschi haveis vus la pussevividad da purtar en vossas ideas, prender decisziuns e purtar responsabladad. Vus saveis far enconuschientschas cun grondius carstgauns. Lavur voluntaria ei buca mo in dar mobein era in enrihament personal.

Co fuss ei da tschentar la damonda: Tgei savessel jeu contribuir cun mes talents per nossa pleiv? E la finfinala prender e dir: Jeu vi s'engaschar per il beinstar da nossa pleiv.

Sesentas ti plidentaus e fusses promts da s'engaschar, lu selegrein nus dil cussegl pastoral da tia annunzia.

Jeu viel ussa resumar per Vus entgins dils eveniments da quei onn. Senza igl agid da numerusas persunas che prestan lavur voluntaria fuss ei buca stau pusseivel da realisar tontas activitads. Ils organisateurs ein vegni ensemen, han planisau, organisau, discutau e priu decisziuns.

Sectur liturgia

Devoziun tier Nossadunna en Puntreis

Ils 10 da matg 2019 ha il cussegl pastoral fatg ina devoziun pils parochians dalla Pleiv s. Gions sco era pils attempai en casa Puntreis. Cun in viadi virtual ellas capluttas e baselgias da Nossadunna han Laurenzia e Jacinta meditau, urau e cantau.

Devoziun tier Nossadunna a Trun/Caltgadira

Ils 23 da matg 2019 ha il viadi menau nus sin il crest d'Acladira sur il vitg da Trun. En la baselgia da Nossadunna ha sur Alexi fatg ina biala devoziun. Avon che turnar a ca-lur han ils fideivels manischunzs menau ils participonts anavos egl uclaun da Disla. En l'ustria Fravia ei vegniu offeriu dil cussegl pastoral in bien toc petta cun caffè per in e scadin.

Messa campestra a Caischavedra

Uonn ha sur Mathew saviu celebrar per l'emprema gada il survetsch divin ensemen cun ser Roland Just sur dil tema «viagiar», bein ina tematica ideala ella muntogna sin la terrassa dall'ustria a Caischavedra, in di da bellezia en in liug cun in fascinont panorama. Las treis soras Jasmin, Flavia e Lea Cabernard han embelliu il survetsch divin cun lur instruments da stuors.

Rusari dalla glisch

Il cussegl pastoral ha preparau e menau



atras quei rusari particular e mess a cor als cartents da meditar la veta da Jesus e Maria. Mintgamai avon ch'entscheiver il misteri han ils parochians astgau tschentar in dils simbols sper il paternies. Las 10 candeilas glischontas che simboliseschan las 10 salidades ein mintgamai vegnidas tschentadas sin ils curals dil paternies. Alla fin dil rusari glischava la corda da paternos en la baselgia stgirentada dalla sera.

Messa en honor da s. Hubert

Ils 9 da november 2019 ha la secziun da catschadurs Péz Alpetta envidau ad in survetsch divin en baselgia s. Gions. La gruppa da corns Badus ha delectau ils parochians cun bialas melodias. Quei instrument che vegneva duvraus dils pasturs e catschadurs per dar signals acustics el temps prehistoric derasa ella formaziun da gruppa ina atmosfera tut speciala. Suenter messa ha il cussegl pastoral offeriu in aperitiv a tuts visitaders.

Cant aviert d'advent

Uonn havein nus fatg la sentupada cun cant aviert d'advent ensemen cun la gruppa dil Salid dil Segner. Lentschatta ei vegnida dada cun il toc musical «Pastoral symphony» da G. F. Händel interpretaus alla violina dallas duas musicistas Valeria Hendry ed Estella Mazzetta. Ellas ein vegnidas accumpignadas al clavazin.

Ils affons e lur menadras ein vegni beneventai en num dil cussegl pastoral da Laurenzia Cajacob. Las menadras dalla gruppa dil Salid dil Segner, dunna Corina Defuns, Rosmarie Duff e Sonja Durschei han cantau e raquintau ina historietta culs scolarets e mumentau ils cors dils presents cun lur fatschas tarlischontas.

Da cumionza havein nus cantau canzuns d'advent e da Nadal, meditau sur dalla muntada digl advent ed enramau quels patratgs cun ulteriurs tocs melodius dallas musicistas.

Duront la historia dil pastur ei stau d'udir bialas melodias alla flauta dad Irene Huonder. Alla fin da quella sentupada ha il cussegl pastoral envidau tuts presents ad in sitg e surviu bunas piziultas sil plaz Sut Gliendas.

Rapport dalla grupp „Salid dil Segner“ „Il Bab en tschiel careza nus“

Quei tema ha accumpignau ils affons uonn tras las devoziuns dil Salid dil Segner. Ina scaffa cun ina porta en fuorma da cor ei stada el center da mintga sentupada. Plein marveglias astgava in affon arver all'entschatta dalla devoziun la porta. Ella scaffa sesanflavan las historias, oraziuns, canzuns ed autras bialas caussas per



las devoziuns.

Ell'emprema devoziun dils 8 da settember, quei di che la baselgia festivescha la naschientscha da Maria, ein ils affons s'occupai cun l'oraziun dalla salidada. Cun agid da bials maletgs, creai aposta per la devoziun, han els empiru l'oraziun. Plinavon ha mintg'affon retschiert

ina tastgetta per metter en il cudischet dil Salid dil Segner.

Ella proxima sentupada ein ils affons sefatschentai cun la historia dalla arca da Noe e cun l'empermischun dil Bab en tschiel che ha detg a Noe: „Jeu vi buca destruir pli la tiara. Leu els nibels stat miu artg, il segn ch'jeu tegni mia empermischun.“ Ils affons han zambergiau igl artg e tschenta el sur il muossavia en baselgia. Nossa tiarza devoziun ei stada dedicata alla historia dalla tuor da Babel. En ina magnifica cuntrada ch'ins ha pli tard saviu contemplar ellas vitrinas dalla Casa communal, han ils affons baghegiau la tuor da Babel e tschenta sil spitg ils plaid: „Il Bab en tschiel ei pli grands“.

Cun ina canzun ed ina historietta essan nus separticipai al cant aviert d'advent. En quella devoziun han ils affons tedlau la historia dalla glischetta che haveva negin pensum, entochen ch'ella ha anflau la via el cor dils carstgauns. Ils affons han zambergiau ina glisch d'advent en fuorma da cor.

Il schaner ein ils treis sogns retgs stai il tema dalla devoziun. Vestgi sco retgs ein ils affons semess sin viadi els zulers dalla scola per encurir igl affon Jesus.

Il fevrer han ils affons baghegiau cun plascher e bia fantasia il tempel da Jerusalem ed udiu la historia da Jesus ch'ei vegnius presentaus en quei tempel en bratsch a sogn Simeon.

Sco usitau ha la davosa sentupada culs affons liug la Dumengia da Palmas. Leu retscheivan ils affons dalla 3. classa il plumatsch dil Salid dil Segner sco regal da cumiau.

Suenter in grond engaschi da diesch onns banduna Regina Giger-Caminada la grupp da preparaziun. Nus admettein ad ella in cordial engraziament per sia lavur e per la grondiusa collaboraziun. Regina ha giu in bien maun da scaffir in'atmosfera tut apartia ellas devoziuns. A moda fetg creativa ha ella capiu da svegliar els affons il fuog per Jesus e sia buna nova. Cun

tut sias habilitads eis ella stada ina ferma petgà en quella grùppa. Sco nova menadra havein nus astgàu beneventar Helen Lutz-Riedweg.

In Dieus paghi admettein al Cussegl pastoral, alla Suprastonza dalla Pleiv ed alla secretaria Jris Lombris-Manetsch per il sustegn e la confidanza. Da cor engraziein nus a tuts geniturs che accumpognan lur affons allas devoziuns.

Sin nossa pagina www.saliddilsegner.ch san ins s'informar davart nossa grùppa da preparaziun, davart l'organisaziun ed ils datums dallas devoziuns. Plinavon san ins contemplar leu fotografias da nossas activitads.

*Per la grùppa dil Salid dil Segner
Corina Defuns*

Sectur Diaconia

Communiun als malsaus ed attempai

Duront il temps che la pleiv da Mustér ha giu negin augsegner ha dunna Rita Furger purtau la s. communiun als malsaus ed attempai. Entras sias visetas ha ella procurau per muments da legria e levgiament sco era dau caschun da menar discuors culs malsaus ed attempai. Per quei survetsch admettel jeu ad ella in sincer engraziament.

Tut tgi che giavischa dacheudenvi ina viseta da nies plevon sur Mathew sa fa quei cun annunziar siu giavisch al secretariat dalla pleiv.

Unfrenda da cureisma

In dils pensums dil cussegl pastoral ei l'empustaziun, il pachetar la scartira cul satget da cureisma. La dumengia da palmas vegn rimnau las tastgas, dumbrau ora l'unfrenda e visau vi ils daners all'organisaziun. L'unfrenda da cureisma 2019 ha purtau la summa da frs. 4'875.15.

Sentupada cun la giuventetgna

Ils 30 d'october 2019 ha sur Mathew giu

la caschun d'emprender d'enconuscher ils scolars dil scalem superiuor e la giuventetgna da Mustér. Suenten il beinvegni dalla promotura da giuventetgna, dunna Gabriela Cabalzar-Lombriser e dalla presidenta dil cussegl pastoral, ha nies augsegner mess avon sesez, sia derivonza, scolaziun e raquintau da siu pensum da pastoraziun ellas differentas pleivs sco plevon. Siu grond giavisch ei da s'entupar cun la giuventetgna silmeins ina entochen duas ga ad onn. Quei savess era esser in'otra fuorma spirituala che la s. messa. Siu giavisch ei da formar ina grùppa da giuvenils da tschun persunas che s'occupeschon voluntariamein cun talas sentupadas. Nus sperein fermamein che quei giavisch mondi en vigur.

Sectur cuminonza

Uorden da processius

Sco usitau han ils commembers dil cussegl pastoral fatg las preparativas necessarias per la processiu da venderdis sogn e dalla fiasta da sogn Gion Battesta.

Muort la restauraziun dalla claustra han las processius da Sontgilcrest, s. Placi e Mater misericordiae giu liug ensemen cul convent en baselgia parochiala s. Gions.

Las fiastas comunablas celebradas dils conventuals e dils celebrants da fiasta cun messas solemnas, assistidas dat in grond pievel vegnan a star an nus en buna memoria. Nus engraziein als paders dalla claustra per la buna collaboraziun.

Lecturas a Mustér e Segnas

Fabiana Jacomet, Mustér, Nicole Jacomet, Mumpé Medel, Silvia Bucheli-Caduff e Clarissa Loretz-Duff ein sedadas prontas da leger. Ad ellas fagein nus in cordial beinvegni. Possi quei survetsch far plascher ed intimar ulteriuras forzas giuvnas.

Mutaziuns

Dunna Tiburzia Giger-Flepp ha demissiunau suenter 12 onns sco lectura a Segnas. Dunna Angelina Tschuor-Dermon che ha fatg part dil cussegl pastoral duront sis onns ha muort sanadad stuiu seretrer da siu uffeci. Toni Caviezel-Flury seretrai suenter haver purtau biabein 40 onns il cafanun a caschun dalla fiasta da sogn Gion Battista. Dunna Rosa Huonder-Lutz remetta siu uffeci suenter entgins onns haver partiu ora la communiun a Segnas. Laurenzia Schnoz ha demissiunau sco commembra dil cussegl pastoral. Dapi igl onn 1991 eis ella s'engaschada en differentas funcziuns ed ha ademplier quei survetsch cun grond plascher.

En num dil cussegl pastoral admittel jeu a tuts in cordial Dieus paghi per quei grond engaschi

pil beinstar dalla cuminonza cristiana en nosa pleiv.

Engraziament

Per concluder miu rapport descha ei a mi d'engraziar a mes commembers dil cussegl pastoral pil sustegn e la grondiusa lavur prestada. Plinavon in grond engraziament a tuttas persunas dallas differentas gruppas ch'ein suttamessas al cussegl pastoral per lur grond engaschi. Alla secretaria Jris e la calustra Alexa engraziel jeu per la buna collaboraziun. Lein selegrar dil contonschui e mirar anavon cun curascha e perseveronza sin nossas activitads futuras.

Mustér, fevrer 2020

Jacinta Jacomet-Lombriser, presidenta



Survetsch divin en honor da s. Clau



Igl altar dalla caplutta da Pardomat

In cuort, mo historicamein zun interessant text, scriva Pöschel davart la caplutta da Pardomat 1940, numnadamein: „Der Weiler dieses Namens gehört zu Somvix, die Kapelle liegt jedoch auf Disentiser Gebiet und wird zur Fraktion Disla gezählt.“¹

E daveras, mo paucs san che Pardomat ei en sesez igl uclaun „Pardomat Dado“, igl uclaun nua che la caplutta schai, senumnavo oriundamein Gravignus, aschia aunc impurtau ellas veglias cartas geograficas dil 19avel tschentaner.

1718 ei il sanctuari vegnius construius entras ils paders caputschins, in datum che deriva dil zenn pign ed ei aschia mo approximativs.

Il sempel altar ei ornaus cun 15 medaglions che muossan ils misteris dil sogn rusari. Sil maletg digl altar vesan ins Nossadunna cugl affon Jesus enturnada da tschun aungnels, al pei dalla nebba da vart seniastra igl uestg bavarian s. Godehard (Gottard) e da vart dretga igl avat s. Antieni, il patrun-caplutta.

Il zenn pign datescha da 1718 e porta l'inscripziun: LAUDATE DEUM IN CAMPANIS BENE SONANTIBUS 1718. Il zenn grond ei vegnius culaus dalla firma Rüetschi ad Aarau igl onn 1914 e porta l'inscripziun: S. ANTIENI ROGA PER NUS – ANO 1914.

La caplutta ei oz aviarta mintgamai duront la primavera entochen igl atun.

¹ Erwin Pöschel. Die Kunstdenkmäler des Kantons Graubünden, Band V, S. 120, Ausgabe 1940

Quen dalla pervenda s. Gions per 2019

Expensas	31-12-2019	31-12-2018
Salaris pleiv Mustér	229'317.04	267'837.25
Salaris augsegners	41'422.50	61'866.80
Salaris personal gidonter	67'093.90	72'391.50
Substituziuns	19'896.00	16'464.00
Ductrina	57'831.69	66'789.80
Fotocopias scola, Mustér	404.65	626.00
Cudischets d'oraziun		3'633.60
Giuventetgna Cadi	13'367.40	12'124.90
SVS assicuranza sociala	9'397.35	12'048.90
Indemnisaziun supraponza	10'520.00	11'195.00
Segiradas d'accident	1'680.15	2'207.15
Cassa da pensiu	5'303.40	7'733.45
Instrucziun da lungatg		756.15
Indemnisaziuns da viadis	2'400.00	
Contribuziuns	18'021.00	13'787.50
Diversas contribuziuns	4'521.00	787.50
Baselgia s. Gions	8'000.00	8'000.00
Cussegl pastoral	4'000.00	4'000.00
Instituziuns culturalas	1'500.00	1'000.00
Casas pervenda/schischom	131'129.35	62'236.65
Manteniment		11'773.30
Mobilier ed indrezs		174.50
Taxas annualas	1'239.30	1'306.95
Manteniment indrez	1'202.00	975.90
Electricitad casa pervenda	440.50	900.20
Ieli casa pervenda	3'082.00	4'140.40
Segiradas casa pervenda	923.10	919.30
Segiradas schischom	46.70	46.10
Renovaziun casa pervenda	124'195.75	42'000.00
Caplania Segnas	23'482.30	22'761.35
Salaris personal gidonter	20'736.50	20'593.45
Taxas annualas	743.20	739.75
SVS assicuranza sociala	679.90	678.60
Segiradas d'accident	96.50	97.10
Segiradas casa pervenda	656.05	652.45
Manteniment casa pervenda	570.15	
Caplania Cavardiras	13'753.35	13'021.25
Salaris augsegners		

Expensas	31-12-2019	31-12-2018
Salaris personal gidonter	11'020.75	10'885.00
Taxas annualas	508.80	634.60
SVS assicuranza sociala	61.85	60.55
Segiradas d'accident	47.55	46.95
Segiradas casa pervenda	210.50	213.95
Manteniment casa pervenda	406.60	1'130.20
Electricidad e manteniment tualetta	1'497.30	50.00
Diversa	14'220.00	19'337.06
Material da biro	683.85	479.25
Apparaturas da biro		1'218.00
Indrez da fotocopiar	1'493.85	1'664.00
Access internet	1'278.05	1'626.35
Spesas da banca	138.40	135.05
Telefon	600.00	750.00
Francaturas, porto	665.00	368.80
Divers regals / occurenzas	1'924.40	3'389.35
Donaziuns	1'300.00	500.00
Rapport annual	2'388.00	2'381.90
Archiv	810.00	1'290.00
Radunonza generala	1'178.85	1'516.55
Diversas expensas	1'681.60	1'855.81
Taxas radio e televisiun	78.00	303.55
Indrez localitad Sut Gliendas		1'410.55
Manteniment baselgia s. Gions		447.90
Total expensas	429'923.04	398'981.06
Entradas		
Taglias / contribuziuns	397'491.85	397'769.75
Taglia pleiv	305'063.90	323'476.25
Baselgia catolica dil cantun Grischun	60'709.00	41'621.00
Taglia alla fontauna cantun Grischun	31'718.95	32'672.50
Tscheins	29'609.59	4'658.25
Tscheins activs	235.34	248.80
Tscheins casa pervenda Cavardiras	3'600.00	3'600.00
Tscheins schischom	638.00	638.00
Sligiaziun reserva casa pervenda	25'000.00	171.45
Diversas entradas	136.25	
Total entradas	427'101.44	402'428.00
Total expensas	429'923.04	398'981.06
Total entradas	427'101.44	402'428.00
Surpli entradas/expensas	-2'821.60	3'446.94

Bilanza dils 31 da december 2019

Activas	31-12-2019	31-12-2018
Total mieds finanzials	531'726.64	591'914.64
Contocurrents	147'226.82	168'170.34
Contos da spargn	383'202.32	422'891.53
Assegn Banca Raiffeisen Cadi	200.00	200.00
Taglia anticipada	4.20	78.47
Activas transitoricas	1'093.30	574.30
Total mieds administrativs	6.00	6.00
Casa pervenda	1.00	1.00
Casa pervenda Segnas	1.00	1.00
Casa pervenda Cavardiras	1.00	1.00
Schischom Dulezi	1.00	1.00
Schischom e clavau Acla da Fontauna	1.00	1.00
Schischom Sontget	1.00	1.00
Total activas	531'732.64	591'920.64
Passivas		
Total capital jester	13'633.60	46'000.00
Passivas transitorias	13'633.60	46'000.00
Total capital agen	520'920.64	542'473.70
Capital agen	520'920.64	517'473.70
Reserva casa pervenda		25'000.00
Sperdita/gudogn	-2'821.60	3'446.94
Total passivas	531'732.64	591'920.64

Mustér; ils 7 da schaner 2020
ugau pervenda
Willi Lozza

Quen dalla baselgia parochiala s. Gions 2019

Expensas	31-12-2019	31-12-2018
Uorden per il survetsch divin	2'789.54	4'579.10
Embelliment dalla baselgia (flurs, candeilas)	4'000.00	3'422.15
Assicuranza da baghetgs	2'856.45	2'915.45
Assicuranza digl inventar	2'538.10	2'538.10
Energia, scaldament, glisch	8'043.25	7'798.40
Cudischs	205.00	1'073.85
Publicaziuns Fegl official etc.	1'240.70	1'228.60
Abonnaments per man. d'apparaturas	1'246.10	473.00
Divers quens da reparaturas e manteniment	7'421.25	7'202.35
Honorar ordinaturs	1'280.00	925.00
Contribuziun ministrants	500.00	500.00
Contribuziun chor baselgia	2'000.00	2'000.00
Taxas da rumians, canalisaziun ed aua	2'202.75	2'202.75
Tscheins per il local a Sut Gliendas	3'000.00	3'000.00
Diversas expensas	300.00	87.80
Spesas da banca, porti	43.85	100.70
Total expensas	39'666.99	40'047.25

Entradas		
Unfrendas	16'694.50	13'802.15
Donaziuns	30.00	500.00
Contribuziun pleiv s. Gions	8'000.00	8'000.00
Contribuziun fondo messas fundadas	10'000.00	12'800.00
Diever baselgia, concerts etc.	200.00	150.00
Tscheins dretg Alp Cristallina	250.00	250.00
Vendita cudischs	30.00	50.00
Diversas entradas	0.00	100.00
Restituziun taglia anticipada	315.00	315.00
Tscheins capital	585.00	585.00
Total entradas	36'104.50	36'552.15

Total entradas	36'104.50	36'552.15
Total expensas	39'666.99	40'047.25
Surpli expensas	-3'562.49	-3'495.10

Bilanza per ils 31 da december 2019

Activas			31-12-2019	31-12-2018
Conto current nr. 11079.72			65'284.50	28'846.99
Daner a termin nr. 11079.20/1290	1.50%	20.01.2012 - 20.01.2019		40'000.00
Daner a termin nr. 11079.20/1640	1.00%	07.11.2013 - 07.11.2020	30'000.00	30'000.00
Total activas			95'284.50	98'846.99

Passivas				
Capital agen			98'846.99	102'342.09
Sperdita			3'562.49	3'495.10
Total passivas			95'284.50	98'846.99

Moviment dalla facultad				
Facultad ils 31.12.2018			98'846.99	102'342.09
Facultad ils 31.12.2019			95'284.50	98'846.99
Sperdita/gudogn			-3'562.49	-3'495.10

Mustér, ils 12 da schaner 2020
uǵau baselǵia
Romeo Schmed

Quen dalla baselgia s. Bistgaun e s. Roc Segnas 2019

Expensas	31-12-2019	31-12-2018
Uorden per survetsch divin		332.54
Embelliment dalla baselgia	1'112.20	1'985.90
Assicuranza da baghetgs	698.55	689.95
Assicuranza d'inventari	554.10	554.10
Forza electrica (scaldament)	1'065.40	3'379.60
Energia per glisch ed installaziuns	705.25	
Servis d'orgla e tuchiez	1'020.50	635.50
Diversas reparaturas	296.70	410.85
Restauraziun mirs-baselgia		599.00
Taxas da rumians, canalisaziun, aua, polizia da fiug	528.6	528.60
Spesas da banca, porti	12.00	23.00
Meglieraziun funsila Mustér	25.00	25.00
Uniun da calusters	55.00	
Diversa	498.30	
Total expensas	6'571.60	9'164.04
Entradas		
Unfrendas	4'448.70	3'522.40
Tscheins capital	52.50	58.05
Contribuziun cassa da candeilas	1'123.10	911.50
Total entradas	5'624.30	4'491.95
Total entradas	5'624.30	4'491.95
Total expensas	6'571.60	9'164.04
Sperdita	-947.30	-4'672.09

Bilanza per ils 31 da december 2019

Activas	31-12-2019	31-12-2018
Conto da spargn Banca cantunala	230'291.85	232'055.95
Conto da spargn Banca Raiffeisen	2'029.49	803.39
Activas transitorias		409.30
Total activas	232'321.34	233'268.64

Passivas		
Capital agen all'entschatta digl onn	233'268.64	237'940.73
Sperdita/gudogn	-947.30	-4'672.09
Total passivas	232'321.34	233'268.64

Segnas, ils 5 da schaner 2020

ugau caplania

Gion Tenner

Quen dalla baselgia s. Antoni Cavardiras 2019

Expensas	31-12-2019	31-12-2018
Energia, scaldament, glisch	3'426.50	4'848.30
Assicuranzas	1'480.70	1'468.95
Taxas annualas; aua, rumians	574.90	574.90
Candeilas, devoziunalias	3'183.60	3'209.50
Spesas da banca	14.35	12.00
Manteniment orgla	330.00	327.00
Manteniment tuchiez	301.55	301.55
Manteniment baselgia	89.95	77.00
Manteniment paramenta	85.00	
Embelliment baselgia	200.00	604.60
Diversas expensas	70.95	183.15
Festivitat da Sogn Antoni	617.00	792.00
Total expensas	10'374.50	12'321.95
Entradas		
Unfrendas	742.85	1'343.35
Candeilas	6'278.01	6'568.35
Cassa statua da Sogn Antoni	2'235.30	3312.44
Tscheins activs	815.45	814.31
Restituziun vischnaunca (electisch tualetta)	300.00	300.00
Total entradas	10'371.61	12'338.45
Total entradas	10'371.61	12'338.45
Total expensas	10'374.50	12'321.95
Surpli expensas/entradas	-2.89	16.50

Bilanza per ils 31 da december 2019

Activas	31-12-2019	31-12-2018
Conto da commembers nr. 5044 9107 1	58'229.49	57'678.99
Conto current nr. 3024 0041 1	17'247.50	18'065.84
Daner a termin nr. 113.712.882.0, 0.4000%, scadenza 2027	100'000.00	100'000.00
Daner a termin nr. 12642.55.1645, 0.2000%, scadenza 2023	60'000.00	60'000.00
Assegn Banca Raiffeisen Cadi nr. 508.478.395.8	200.00	200.00
Taglia anticipada	529.90	264.95
Total activas	236'206.89	236'209.78

Passivas		
Capital agen	236'209.78	236'193.28
Sperdita/gudogn	-2.89	16.50
Total passivas	236'206.89	236'209.78

Cavardiras, ils 2 da schaner 2020
ugadessa caplania
Alexa Schuoler-Mathiuot

Facultad dils fondos da baselgias e capluttas

	31-12-2019	31-12-2018
Baselgia parochiala s. Gion Battesta		
Ugau: Romeo Schmed		
Fondo baselgia	95'284.50	98'846.99
Fondo messas fundadas	207'374.64	214'581.54
Baselgia s. Placi		
Ugau: Romeo Schmed		
Fondo baselgia	33'102.15	32'420.20
Baselgia s. Gada		
Ugau: Romeo Schmed		
Fondo baselgia	319'782.14	320'162.59
Baselgia da Nossadunna, Acletta		
Ugau: Corsin Maissen		
Fondo baselgia	35'585.54	35'457.16
Baselgia s. Bistgaun e s. Roc, Segnas		
Ugau: Gion Tenner		
Fondo baselgia	232'321.34	233'268.64
Fondo messas fundadas	62'961.80	62'746.10
Caplutta Sontgaclau e s. Silvester, Mumpé Tujetsch		
Ugau: Sigisbert Manetsch		
Fondo caplutta	33'588.94	31'775.28
Caplutta s. Valentin e s. Brida, Mumpé Medel		
Ugau: Baseli Jacomet		
Fondo caplutta	21'393.53	21'776.35
Caplutta s. Antieni, Pardomat		
Ugau: Marcel Steger		
Fondo caplutta	17'104.51	17'320.26
Caplutta s. Leci e s. Bonaventura, Disla		
Ugau: Max Deplazes		
Fondo caplutta	3'227.01	3'116.46

	31-12-2019	31-12-2018
Caplutta s. Giachen e s. Onna, Cuoz		
Ugau: Adrian Deflorin		
Fondo caplutta	30'728.11	30'854.71
Baselgia s. Antoni, Cavardiras		
Ugadessa: Alexa Schuoler		
Fondo baselgia	236'206.89	236'209.78
Fondo messas fundadas	30'706.40	30'661.89

Rapport dils revisurs

Ella seduta dils 4 da fevrer 2020 havein nus, tenor incarica digl artechel 28 dalla constituziun dalla Pleiv s. Gions, repassau ils quens ed il menaschi finanziel dalla pervenda, dallas baselgias e dallas capluttas dalla Pleiv s. Gions per igl onn 2019.

Per mauns dalla radunonza generala savein nus dar il suandont rapport:

1. Las cudischaziuns ein accumpignadas dils mussaments necessaris
 2. Ils saldis da cassa e contos da banca corrispundan culs attests mussai ora
 3. Las vaglias cudischadas ein avon maun
 4. Las expensas ein fatgas tenor conclus dalla radunonza generala sin fundament dils preventivs
- Las ulteriuras expensas ein vegnidas decididas dalla suprastonza tenor las cumpetenzas dalla constituziun

Sin basa da nossas controllas fagein nus alla radunonza generala las suandontas propostas:

- a) d'approbar la bilanza ed il quen administrativ per ils 31 da december 2019 dalla pervenda, dalla baselgia parochiala s. Gions, dallas caplanias Segnas e Cavardiras e dallas capluttas tenor las cefras presentadas,
- b) da dar scarica alla suprastonza ed als funcziunaris,
- c) d'exprimer in meritau engraziament alla suprastonza, als augsegners ed a tuttas ugadessas/tuts ugaus per lur nunstunclenteivel engaschi.

Disentis/Mustér, ils 4 da fevrer 2020

Ils revisurs:

Claudius Berther

Pirmin Monn

Il Cussegl pastoral enquera adina puspei personas ch'ein prontas da segidar e s'engaschar per nossa pleiv. Interessentas ed interessents san s'annunziar directamein tier la presidenta dil cussegl ni tier il secretariat da nossa pleiv. Nus selegrein da mintga maun che segida cun nus.

Preventiv dalla pervenda per 2020

Expensas	2020	Quen 2019
Salaris pleiv Mustér	261'770.00	229'317.04
Salaris augsegners	90'600.00	41'422.50
Salaris persunal gidonter	69'770.00	67'093.90
Substituziuns	3'000.00	19'896.00
Giuventetgna Cadi	13'500.00	13'367.40
Contribuziun per ductrina	45'000.00	57'831.69
Fotocopias scola Mustér	500.00	404.65
SVS assicuranza sociala	14'000.00	9'397.35
Indemnisaziun suprastonza	11'000.00	10'520.00
Segiradas d'accident e malsogna	3'000.00	1'680.15
Cassa da pensiun	9'000.00	5'303.40
Indeminaziun da viadis	2'400.00	2'400.00
Contribuziuns	18'000.00	18'021.00
Diversas contribuziuns	4'000.00	4'521.00
Baselgia s. Gions	8'000.00	8'000.00
Contribuziun al cussegl pastoral	4'000.00	4'000.00
Contribuziuns instituziuns culturalas	2'000.00	1'500.00
Casa pervenda/schischom	15'250.00	131'129.35
Manteniment casa pervenda	5'000.00	
Mobiliar ed indrez	1'000.00	
Taxas annualas	2'000.00	1'239.30
Manteniment indrez	1'000.00	1'202.00
Electricidad casa pervenda	1'000.00	440.50
Ieli casa pervenda	4'000.00	3'082.00
Segiradas casa pervenda	1'200.00	923.10
Segiradas e cuosts schischom	50.00	46.70
Renovaziun casa pervenda		124'195.75
Caplania Segnas	26'880.00	23'482.30
Salaris persunal gidonter	21'500.00	20'736.50
Diversas taxas annualas	800.00	743.20
Segiradas casa pervenda	700.00	656.05
SVS assicuranza sociala	750.00	679.90
Segirada d'accident e malsogna	130.00	96.50
Manteniment casa pervenda	3'000.00	570.15

Expensas	2020	Quen 2019
Caplania Cavardiras	15'950.00	13'753.35
Salaris personal gidonter	10'850.00	11'020.75
Diversas taxas annualas	700.00	508.80
Segirada casa pervenda	250.00	210.50
SVS assicuranza sociala	100.00	61.85
Segirada d'accident e malsogna	50.00	47.55
Manteniment casa pervenda	3'000.00	406.60
Electricidad e manteniment tualetta	1'000.00	1'497.30
Diversa	37'850.00	14'220.00
Material da biro	1'000.00	683.85
Apparaturas da biro	1'000.00	
Indrez da fotocopiar	2'000.00	1'493.85
Access internet	1'700.00	1'278.05
Spesas da banca	200.00	138.40
Telefon	750.00	600.00
Francaturas, porto	1'000.00	665.00
Divers regals / occurrenz	3'000.00	1'924.40
Donaziuns	1'500.00	1'300.00
Rapport annual	2'300.00	2'388.00
Archiv	1'000.00	810.00
Radunonza generala	2'000.00	1'178.85
Diversas expensas	2'000.00	1'681.60
Taxas radio e televisiun	400.00	78.00
Amortisaziuns, reserva casa pervenda	18'000.00	
Total expensas	375'700.00	429'923.04
Entradas		
Taglias / contribuziuns	376'200.00	397'491.85
Taglia pleiv	300'000.00	305'063.90
Cantun Grischun taglia alla fontauna	30'000.00	31'718.95
Baselgia catolica dil cantun Grischun	45'000.00	60'709.00
Pleiv Medel per ductrina	1'200.00	

Entradas	2020	Quen 2019
Tscheins	2'000.00	29'609.59
Tscheins activs	50.00	235.34
Tscheins casa pervenda Cavardiras	1'200.00	3'600.00
Tscheins schischom	650.00	638.00
Sligiazium reserva casa pervenda		25'000.00
Diversas entradas	100.00	136.25
Total entradas	378'200.00	427'101.44
Total entradas	378'200.00	427'101.44
Total expensas	375'700.00	429'923.04
Surpli entradas	2'500.00	-2'821.60

Mustér, ils 7 da fevrer 2020
u'gau pervenda
Willi Lozza

Preventiv dalla baselgia parochiala s. Gions per 2020

Expensas	2020	31-12-2019
Uorden per il survetsch divin	2'500.00	2'789.54
Embelliment dalla baselgia parochiala	5'000.00	4'000.00
Assicuranza da baghetgs, inventar e responsabladad	5'500.00	5'394.55
Energia, scaldament e glisch	7'500.00	8'043.25
Publicaziuns, cudischs	1'700.00	1'445.70
Abonnements per manteniment d'apparaturas	500.00	1'246.10
Honorar ordinatur	1'200.00	1'280.00
Contribuziun chor baselgia	2'000.00	2'000.00
Taxas da rumien, canalisaziun, aua e fiug	2'200.00	2'202.75
Reparaturas e manteniment	20'000.00	7'421.25
Tscheins per il local ella casa Sut Gliendas	3'000.00	3'000.00
Contribuziun ministrants	500.00	500.00
Diversas expensas	400.00	343.85
Total expensas	52'000.00	39'666.99

Entradas		
Unfrendas	15'000.00	16'694.50
Donaziuns	500.00	30.00
Contribuziun pleiv s. Gions	8'000.00	8'000.00
Fondo messas fundadas	10'000.00	10'000.00
Tscheins dretg Alp Cristallina	350.00	250.00
Diever baselgia, concerts etc.	300.00	200.00
Tscheins da capital	450.00	585.00
Restituziun taglia anticipada	300.00	315.00
Diversas entradas	100.00	30.00
Total entradas	35'000.00	36'104.50

Total entradas 2020	35'000.00	36'104.50
Total expensas 2020	52'000.00	39'666.99
Surpli expensas 2020	-17'000.00	-3'562.49

Mustér, ils 12 da december 2019
ugau baselgia
Romeo Schmed

Fixaziun dil pei da taglia per 2021

La suprastanza dalla Pleiv s. Gions ed ils revisurs da quen proponan alla radunonza generala dalla Pleiv s. Gions/Mustér da fixar il pei da taglia sco suonda:

Per igl onn 2021 duei il pei da taglia restar sco per 2020 sin 12% digl importo dalla taglia sempla dil cantun.

Officials dalla Pleiv s. Gions

1.	Suprastonza	
	Tuor Aldo, president	
	sur Mathew Kurian, plevon administratur (ex off.)	naven dils 1-7-2019
	Tenner Gion, vicepresident ed ugau baselgia Segnas	
	Lozza Willi, ugau pervenda	
	Schmed Romeo, ugau baselgia s. Gions	
	Jacomet-Lombriser Jacinta, presidenta cuss. pastoral	
	Schuoler Alexa, ugedessa baselgia Cavardiras	
2.	Revisurs da quen	
	Berther Claudius	
	Monn Pirmin	
3.	Ugaus caplutta	
	Acletta	Maissen Corsin
	Cuoz	Deflorin Adrian
	Disla	Deplazes Max
	Madernal	Claustra Mustér
	Mumpé Medel	Jacomet Baseli
	Mumpé Tujetsch	Manetsch Sigisbert
	Pardomat	Steger Marcel
	Sogn Placi	Schmed Romeo
	Sontga Catrina	Condrau Giusep
	Sontga Gada	Schmed Romeo
4.	Commembers dil cussegl pastoral	
	Jacomet-Lombriser Jacinta, presidenta	
	sur Kurian Mathew (ex off.)	naven digl 1-7-2019
	Schnoz Laurenzia	
	Huonder-Schönenberger Irene, cassiera	
	Zanin Jolanda, assesura	
	Buschor Josef, assesur	
	Caduff-Kneidinger Giusep, assesur	
	Lutz Baseli, assesur	
	Bisquolm Nanetta, assesura	naven digl 1-9-2019
	<i>Gruppa liturgia</i>	
	Jacomet-Lombriser Jacinta	
	sur Kurian Mathew	
	Huonder-Schönenberger Irene	
	Cajacob-Caminada Laurenzia	
	Deflorin - van Eetvelde Marie Rose	

Register

Invitaziun alla radunonza generala dalla Pleiv s. Gions/Mustér	1
Protocol	2
Rapport dil president	8
Rapport dil cussegl pastoral	13
Quen dalla pervenda s. Gions per 2019	19
Bilanza dils 31 da december 2019	21
Quen dalla baselgia parochiala s. Gions 2019	22
Bilanza per ils 31 da december 2019	23
Quen dalla baselgia s. Bistgaun e s. Roc Segnas 2019	24
Bilanza per ils 31 da december 2019	25
Quen dalla baselgia s. Antoni Cavardiras 2019	26
Bilanza per ils 31 da december 2019	27
Facultad dils fondos da baselgias e capluttas	28
Rapport dils revisurs	30
Preventiv dalla pervenda per 2020	31
Preventiv dalla baselgia parochiala s. Gions per 2020	34
Fixaziun dil pei da taglia per 2021	35
Officials dalla Pleiv s. Gions	36

www.pleivdisentis.ch

Gia dapi plirs onns ei la Pleiv s. Gions era presenta egl internet. Sper ina vasta collecziun da texts historics anfleis Vus leu era igl urari dallas messas, las annunzias da mort, sco ulteriuras informaziuns davart nosa pleiv.

P.P.

CH-7180

Disentis/Mustér